



ՍՈՎԵՏԱԿԱՆ ՀԵՅԱՍՏԱՆԻ 25-ԱՄՅԱԿԻ ՏՈՆԱԿԱՏԱՐՈՒԹՅՈՒՆԸ ԱՐՏԱՍԱՀՄԱՆԻ ՀԱՅՈՒԹՅԱՆ ՄԵՋ

ՀԱՅԵՐԸ ԱՐՏԱՍԱՀՄԱՆՈՒՄ ՆՇՈՒՄ ԵՆ ՍՈՎԵՏԱԿԱՆ ՀԱՅԱՍՏԱՆԻ 25-ԱՄՅԱԿԸ

ԿԱՀԻՐՆ.— Երեկ Կահիրեի ու Ալեքսանդրիայի հայկական գաղութներում տեղի են ունեցել Հայկական ՍՍՌ 25-րդ տարեդարձին նվիրված ժողովներ: Ելույթ ունեցողները մեծ ոգևորությամբ խոսում էին իր գոյության տարիներում Սովետական Հայաստանի ձեռք բերած հսկայական հաջողությունների մասին: Բուռն ծափահարությունների ներքո հավաքվածները ընդունեցին ողջույններ ուղղված Ի. Վ. Ստալինին, Հայաստանի կառավարությանը և Ամենայն Հայոց կաթողիկոսին:

ԹԵՀՐԱՆ.— Նոյեմբերի 29-ին Թեհրանի հայկական աղումբում տեղի է ունեցել Հայկական ՍՍՌ 25-ամյակին նվիրված նիստ: Ներկա են եղել Իրանի կառավարության անդամներ, մեջլիսի գեպուտատներ, ՍՍՌՄ-ի հետ կուլտուրական կապի իրանական ընկերության անդամներ, Թեհրանում հայկական գաղութի բազմաթիվ ներկայացուցիչներ, գիտության ու կուլտուրայի գործիչներ, ժողնալիստներ, ինչպես նաև ՍՍՌՄ-ի գործերի հավատարմատար Յակուբովը և սովետական դեսպանության աշխատակիցները:

ԲՈՒԽԱՐԵՍ.— Ռումինիայի «Հայերի ճակատ» հայկական կազմակերպությունը Սովետական Հայաստանի 25-ամյակի առթիվ անց է կացրել հանդիսավոր նիստ, որին մասնակցել են 1.500 հայ: Նիստին ներկա են եղել ռումինական մինիստրներ Թեոխարի Ժորժեսկուն, Վասիլիու Ռեշկանուն, Կոնստանտինեսկուն, ինչպես նաև ակադեմիկոս Պարխոնը և ռումինական այլ ականավոր հասարակական գործիչներ: Ներկա են եղել նաև Ռումինիայում ՍՍՌՄ դեսպան Ս. Ի. Քավթարաձեն և գեներալ-գնդապետ Սուալկովը: Նիստում հանդես են եկել «Հայերի ճակատ» կազմակերպության նախագահ Դանիելյանը և այդ կազմակերպության գլխավոր քարտուղար Բաբայանը: Նրանք երկուսն էլ ընդգծել են Սովետական Հայաստանի հսկայական նրվածումները նրա գոյության 25 տարվա ընթացքում: Ծառերով հանդես են եկել նաև Ս. Ի. Քավթարաձեն և գեներալ-գնդապետ Սուալկովը: Բուռն ծափահարությունների տակ ներկա եղողները ընդունել են ողջույնի հեռագիր ուղղված Ի. Վ. Ստալինին:

(«Սովետ. Հայաս.», 7 դեկտեմ. 1945 թ.)

ՀԱՅԿԱԿԱՆ ՍՍՌ 25-ԱՄՅԱԿԻ ՏՈՆԱԿԱՏԱՐՈՒԹՅՈՒՆԸ ՍԻՐԻԱՅՈՒՄ ԵՎ ԼԻԲԱՆԱՆՈՒՄ

ԲԵՅՐՈՒԹ.— «Բեյրութում տեղի է ունեցել Հայկական ՍՍՌ 25-ամյակին նվիրված մեծ միտինգ, որ կազմակերպել էր հայկական ազգային խորհուրդը: Միտինգում ներկա էին Լիբանանի մինիստրների խորհրդի նախագահ Սամի Սուլսը, հայ եկեղեցու կաթողիկոս Գարեգինը, Լիբանանի պառլամենտի գեպուտատները, ականավոր հասարակական և քաղաքական գործիչներ, մամուլի

ներկայացուցիչները և այլ անձինք: Հսկայական դահլիճը լեփ-լեցուն էր: Փողոցում այն շենքի մոտ, որտեղ տեղի էր ունենում միտինգը, միկրոֆոնների մոտ գտնվում էին հարյուրավոր մարդիկ, որոնք լսում էին հռետորների ճառերը:

«Միտինգում ելույթ ունեցողները խոսում էին Հայկական ՍՍՌ-ում հայ ժողովրդի և ռուս մեծ ժողովրդի եղբայրական բարեկա-

մության շնորհիվ ձեռք բերված հսկայական հաջողությունների մասին:

«Մեծ ճառով հանդես է եկել հայ եկեղեցու կաթողիկոս Գարեգինը: Կաթողիկոսի ելույթը բազմիցս ընդհատվել է երկարատև բուռն ծափահարություններով: «Հայաստանի ազատագրման և այնտեղ աշխատավորների իշխանության հաստատման օրը,—ասել է կաթողիկոսը,— հանդիսանում է մեծ տոն ոչ միայն նրանց համար, որոնք գտնվում են Հայկական Ռեսպուբլիկայի տերիտորիայում, այլև ամբողջ աշխարհում ցրված մյուս բոլոր հայերի համար»:

«Հայկական ՍՍՌ գոյության 25-ամյակի

տոնակատարությունը կիբանանում և Սիրիայում անց է կացվել մեծ ոգևորությամբ ու խանդավառությամբ: Տոնի առթիվ հայկական բոլոր դպրոցներում պարապմունքներ չեղան: Հայկական բոլոր թաղամասերում անց են կացվել հատուկ ժողովներ ու միտինգներ: Հրատարակվել են թերթերի ու ժուռնալների հոբելյանական համարներ: Հայ եկեղեցու կաթողիկոսն առաջարկել է հայկական բոլոր եկեղեցիներում անցկացնել պատարագ Հայկական ՍՍՌ գոյության 25-ամյակի առթիվ»:

(«Սով. Հայաս.», դեկ. 7, 1945 թ.)



155-2522